

Akcioni plan

provedbe Zaključaka Skupštine Kantona Sarajevo usvojenih na sjednici održanoj dana 25.08.2020. godine

Zaključci	
1. Obavezuju se Vlada Kantona Sarajevo i Ministarstvo zdravstva Kantona Sarajevo da obezbjede potrebne uslove za unapređenje primarne zdravstvene usluge – unapređenje postojećih call centara za komunikaciju sa pacijentima, angažovanje mobilnih timova za tretman i praćenje COVID pozitivnih pacijenata, angažiranje svih raspoloživih medicinskih i laboratorijskih kapaciteta s ciljem uspostavljanja sistema prikupljanja i testiranja uzoraka koji će omogućiti saopštavanje rezultata pacijentu i nadležnom u roku od 8 sati nakon prikupljanja uzorka od pacijenta, promptno izdavanje i dostava rješenja o samoizolaciji COVID pozitivnih pacijenata, efikasnije praćenje mjera samoizolacije, rješenje pitanja transporta COVID pozitivnih pacijenata na kontrolne preglede, ako se isti nalaze u kućnoj samoizolaciji.	
Relevantnost	<p>Federalni ministar zdravstva je 03.02.2020.godine aktom broj: 01-33-0547/20 izdao Naredbu kojom se određuju nadležna djelovanja kantonalnim ministarstvima zdravstva, te je s tim u vezi Ministrica zdravstva Kantona Sarajevo donijela Rješenje dana 04.02.2020. godine o imenovanju Kriznoga štaba Ministarstva zdravstva Kantona Sarajevo za praćenje i analizu situacije izazvane SARS-CovV-2, a shodno Pravilniku o ustrojstvu i načinu rada Kriznog stožera Federalnog ministarstva ("Službene novine Federacije BiH", broj 10/12). Zadatak Kriznoga štaba je praćenje aktuelne situacije i poduzimanje mjera radi spriječavanja i ranog otkrivanja eventualnih slučajeva bolesti COVID-19 u Kantonu Sarajevo, organizovanje i koordiniranje rada zdravstvenih ustanova i privatnih zdravstvenih radnika u Kantonu Sarajevo, te davanje preporuka shodno razvoju trenutne situacije. Krizni štab je u obavezi održavati kontakte i razmjenjivati informacije sa Kriznim štabom Federalnoga ministarstva zdravstva, kao i kriznim štabovima ostalih kantona. Rješenjem broj: 10-33-2589-49/20 od 14.07.2020. godine ministar zdravstva Kantona Sarajevo reimenovao sastav Kriznog štaba Ministarstva zdravstva Kantona Sarajevo, i do danas djeluje u istom sastavu.</p> <p>U periodu mart-avgust 2020. godine, a shodno epidemiološkoj situaciji, Ministarstvo zdravstva Kantona Sarajevo, a uz koordinaciju Kriznog štaba Ministarstva zdravstva Kantona Sarajevo, pristupio je pripremi, implementaciji i stalnom ažuriranju Plana pripravnosti za sistem zdravstvene zaštite. U augustu 2020. godine pripremljen je ažuriran Plan pripravnosti koji je dostavljen zastupnicima Skupštine Kantona Sarajevo u materijalima na zadnjoj Radnoj sjednici. Unutar tog Plana pripravnosti objašnjen je u proces rada i postupnici u zdravstvenim ustanovama u Kantonu Sarajevo u uslovima pandemije novim corona virusom. Ovo se bazira na kriznim planovima pripravnosti koje su zdravstvene ustanove bile dužne pripremiti i po njima postupati, što je, također, bio sastavni dio materijala koji je dostavljen zastupnicima Skupštini Kantona Sarajevo na 28. radnoj sjednici Skupštine Kantona Sarajevo, dana 20.08.2020. godine.</p> <p>Obzirom na aktuelnu epidemiološku situaciju, stalnim promjenama u epidemiološkom statusu ažuriran je sistem upućivanja pacijenata, koji će omogućiti bolju povezanost između svih nivoa zdravstvene zaštite, a kako bi se postigla veća efektivnost i efikasnost u sistemu zdravstvene zaštite u Kantonu Sarajevo.</p> <p>Ulaz u zdravstveni system je praktično primarna zdravstvena zaštita – PZZ. JU "Dom zdravlja" Kantona Sarajevo na nekoliko lokacija uspostavlja izdvojene ambulante za pregled bolesnika pod sumnjom na zaraženost</p>

coronavirusom – COVID ambulante.

COVID ambulante rade sa COVID timovima (doktor medicine i 2 SSS-medicinska tehničara) koji primaju pozive ne telefon (pozivi se evidentiraju i snimaju po mogućnosti), vrše savjetovanja, predlažu samoizolaciju, indiciraju testiranje i zakazuju ljekarske preglede (u ambulanti ili kućne posjete), a prema težini kliničke slike, indiciraju transport za bolnice, koji se najavljuje.

COVID ambulante – lokacije:

- JU “Dom zdravlja” KS ima COVID Centar Saraj Polje i COVID ambulante Ilidža (za općine Hadžići i Ilidža), Vrazova – Centar, Semizovac (za općine Ilijaš i Vogošća). Uz to, JU “Dom zdravlja” KS ima punktove za uzimanje briseva u OJ Ilidža, Saraj Polju (OJ Novi Grad), OJ Novo Sarajevo, OJ Centar, OJ Stari grad i Covid ambulanti Semizovac (OJ Vogošća).
- U slučaju pogoršanja epidemiološke situacije u KS JU “Dom zdravlja” KS je u stanju otvoriti još Covid ambulanti i punktova za testiranje. COVID centar sadrži trijažni punkt, čisti i infektivni dio, ambulantu P/O za pregled odraslih pacijenata, pulmoloških pacijenata, i djece. Obezbjeden je internistički i stomatološki pregled. Uz pobrojano, COVID centar sadrži call centar i punkt za testiranje. COVID ambulanta ima manji sadržaj od COVID centra, odnosno ne pruža internističke i stomatološke usluge.
- U sklopu COVID ambulanti/centra JU “Dom zdravlja” KS će obezbjediti punktove za testiranje na SARS-CoV2. Uz to, punktovi za testiranje će se formirati u svim centralnim objektima koji mogu obezbjediti čisti i infektivni dio, dostupnost informacionog sistema, obezbjeden lagan prilaz za pacijente i obezbjeden hladni lanac za čuvanje uzetih uzoraka nakon testiranja (uzimanja briseva).

U Planu pripravnosti Kantona Sarajevo jasno stoje upute kako se javlja u COVID ambulante.

1. Porođični ljekar, pedijatar ili ljekar školske medicine upućuju i najavljuju pacijenta za dolazak u COVID ambulantu.
2. Pacijent se javlja na trijažno mjesto centralnog objekta OJ ili na posebno trijažno mjesto COVID ambulante gdje se provjerava razlog dolaska
3. Pacijent se uvodi u ordinaciju za pregled gdje dolazi tim u sastavu doktor medicine i medicinska sestra/tehničar ili pedijatrijski tim i obavlja anamnezu i pregled
4. Ako postoji indikacija za pregled pulmologa i interniste, laboratoriju i RTG pluća pacijent će dobiti uslugu u COVID centru.
5. Ako postoji indikacija pacijentu se uzima bris na mjestu za uzimanje briseva.
6. Propisivanje neophodnih lijekova i uputnica će uraditi doktori medicine, pedijatri i pulmolozi koji rade u COVID centru/ambulantama. (*Referral Plan Pripravnosti u KS*).

U COVID ambulantama se vrši savjetovanje i trijaža pacijenata, a po potrebi i pregled. Pregled podrazumijeva i provođenje laboratorijske dijagnostike i/ili RTG pluća, a u konsultaciji i koordinaciji sa pulmologom JU „Dom zdravlja“ Kantona Sarajevo.

U COVID ambulancama postavlja se indikacija za test na corona virus, doktor porodične medicine prema posljednjim/aktuelnim smjernicama za testiranja dostavljenim od strane Zavoda za javno zdravstvo KS, te u dogovoru sa epidemiologom u slučaju potrebe za konsultacijama, što uključuje referisanje kliničke slike pacijenta).

Ukoliko pacijenti sa navedenim simptomima ne mogu doći u COVID ambulantu, a zbog teže kliničke slike, obavezno je organizovanje kućne posjete od strane H-timova iz Službe porodične/obiteljske medicine JU „Dom zdravlja“ KS, isti dan po iskazanom zahtjevu za kućnom posjetom. U kućnoj posjeti, pacijent biva pregledan, indicirano testiranje i eventualni transport za bolnicu, a prema težini kliničke slike. Transport se vrši u sanitetskom vozilu JU „Dom zdravlja“ Kantona Sarajevo u periodu od 08.00 do 20.00 sata – lakši i srednji teški slučajevi, a vozilom HMP od 20.00 sata do 08.00. Svi teški slučajevi (ortopnea, tahipnea, bradipnea, tahikardija (> 120/min.), bradikardia, hipotenzija, vidljiva centralna i periferna cijanoza, Sat. O₂ < 94%, poremećaj svijesti, jaka bol u grudima, hemoptiza, oligurija i anurija, GUK > 20 mmol/l, produženo kapilarno punjenje > 2 sekunde, pojava meningealnih znakova ili osipa koji ne blijedi na pritisak) i slučajevi sa izraženim komorbiditetom, prevoze se u bolnicu vozilom JU „Zavod za hitnu medicinski pomoć“ Kantona Sarajevo svih 24 sata.

Testiranje

Tim iz COVID ambulante u skladu sa dostavljenim ažuriranim smjernicama za testiranja od strane JU „Zavod za javno zdravstvo“ Kantona Sarajevo, te u slučaju nejasnoća u evidentiranoj konsultaciji sa nadležnim epidemiologom (JU Zavod za javno zdravstvo Kantona Sarajevo – što uključuje referisanje kliničke slike pacijenta prema epidemiologu) postavlja indikaciju za testiranje, koje se odvija ili u kućnim uslovima ili DRIVE-IN. Indikaciju za testiranje na nivou PZZ postavlja i nadležni doktor iz Službe porodične medicine zdravstvene zaštite djece predškolskog i školskog uzrasta također, u skladu sa dostavljenim ažuriranim smjernicama za testiranja od strane JU „Zavod za javno zdravstvo“ Kantona Sarajevo, te u slučaju nejasnoća u evidentiranoj konsultaciji sa nadležnim epidemiologom JU „Zavoda za javno zdravstvo“ Kantona Sarajevo.

Testiranje se provodi po propisanim procedurama, uzimanjem nazofaringealnoga brisa i orofaringealnog brisa (ili samo jedna vrsta brisa u skladu sa resursima kojima se raspolaže), te se bris uranja u transportnu podlogu i dostavlja se u ovlaštene mikrobiološke laboratorije.

Po pitanju laboratorijskih kapaciteta jasno su određene medicinske indikacije za testiranje, te put upućivanja uzoraka u javnu zdravstvenu ustanovu, a to je KCUS. Radi se o javnom sektoru, te je to redovni referal – sistem upućivanja pacijenata unutar sistema zdravstvene zaštite u Kantonu Sarajevu. Izdate saglasnosti za PCR molekularno testiranje privatnim laboratorijama u Kantonu Sarajevu od strane Federalnog ministarstva zdravstva nisu ugovorno definisane sa Zavodom zdravstvenog osiguranja Kantona Sarajevo, kako bi se tačno znalo koliko uzoraka i sa kojih opština može biti upućeno njima i pod kojim uslovima – način plaćanja i drugo.

Dakle, trenutno je Dom zdravlja Kantona Sarajevo sa svojih 9 organizacionih jedinica – opštinskih Domova zdravlja angažovan u maksimalnom kapacitetu ljudskih resursa, vezano za zahtjev oko mobilnih timova.

	<p>Isto tako, izdavanje rješenja o samooizolaciji ili kućnoj izolaciji je izravno vezano za kapacitete Kantonalne uprave za inspeksijske poslove i Kantonalno ministarstvo zdravstva, jer rade u svim raspoloživim kapacitetima u izdavanju pomenutih rješenja.</p> <p>Shodno kadrovskoj i materijalno – tehničkoj osposobljenosti, zdravstvene ustanove u Kantonu Sarajevo postupaju.</p> <p>Prepoznate su izvjesne „kritične tačke“ i od strane zdravstvenih ustanova, a njihova rješenja zavise isključivo o kadrovskim, materijalno-tehnički, finansijskim i administrativnim mogućnostima. Ovo se odnosi na funkcionisanje call centara, koje je potrebno ojačati, ali uz ispunjavanje odgovarajućih uslova, isto kao i za mobilne timove, za koje je pored kadra potrebno posjedovati terenske automobile, npr.</p>
Način implementacije	<p>S obzirom na ograničena sredstva, potrebno je da se u okviru prepoznatih „kritičnih tačaka“, od strane JU Dom zdravlja Kantona Sarajevo, definišu prioriteti kako bi isti bili usklađeni sa raspoloživim resursima.</p> <p>Javnim ugovornim zdravstvenim ustanovama su od strane Zavoda zdravstvenog osiguranja Kantona Sarajevo na početku krize osigurana namjenska sredstva za ublažavanje posljedica pandemije COVID-19, te se prvobitni rok pravdanja i povrata eventualno neutrošenih namjenskih sredstava produžava sa 30.09. na 31.12. 2020. godine.</p> <p>Ministarstvo zdravstva Kantona Sarajevo će uraditi analizu i procjenu laboratorijskih kapaciteta javnih ugovornih ustanova koje rade PCR testove, a u slučaju da se utvrdi da isti nisu dovoljni za potrebe testiranja građana Kantona, Ministarstvo će, u okviru važećih propisa, donijeti odluku o načinu uključenja drugih verifikiranih laboratorija u sistem testiranja.</p> <p>Zadužuje se Zavod zdravstvenog osiguranja Kantona Sarajevo da u sklopu svog implementiranog informacionog sistema omogući potpuno informatičko praćenje u cjelokupnom radnom toku od uzimanja uzorka do dostavljanja rezultata pacijentima, te da omogući dostavljanje rezultata testiranja i drugih pripadajućih dokumenata pacijentima elektronskim putem.</p> <p>Obavezati sve javne zdravstvene ustanove da sve navedene aktivnosti vrše u sklopu integralnog informacionog sistema Zavoda zdravstvenog osiguranja Kantona Sarajevo.</p> <p>Sve privatne laboratorije koje vrše PCR testiranje u Kantonu Sarajevo su dužne da usluge testiranja (bez obzira da li se iste rade na komercijalnoj osnovi i po zahtjevu pacijenta) evidentiraju kroz Informacioni sistem Zavoda zdravstvenog osiguranja Kantona Sarajevo, a Zavod da im obezbijedi neophodne licence za pristup jedinstvenom informacionom sistemu ili da na drugi način uspostave integraciju i razmjenu podataka u stvarnom vremenu.</p>
Zadužena institucija	<p>Ministarstvo zdravstva Kantona Sarajevo Zavod zdravstvenog osiguranja Kantona Sarajevo JU Dom zdravlja Kantona Sarajevo Kantonalna uprava za inspeksijske poslove</p>
Vremenski okvir	<p>Septembar – Oktobar 2020.</p>
Finansijski okvir	<p>Sredstva zdravstvenih ustanova, Budžet Kantona Sarajevo i sredstva Zavoda zdravstvenog osiguranja u skladu sa zakonskim okvirom i raspoloživim mogućnostima</p>

Pretpostavke	Osiguravanje dostatnih finansijskih sredstava (kadar, oprema, automobili) Ugovaranje sa privatnim laboratorijama
Rizici	Potrebno je dobro planiranje svega potrebnoga. Neki od iskazanih zahtjeva se ne baziraju na realnim potrebama, obzirom na već organizovan rad, aktivnost virusa, informisanost stanovništva, poduzetim dosadašnjim mjerama itd.
Komentari	Napominjemo da privatne certificirane laboratorije trebaju biti posebno plaćene ugovorom, ali da u ovoj dinamici obrade uzoraka, to nije potrebno. Neke od ovih laboratorija su ugovarale sa privatnim zdravstvenim ustanovama koje PCR test rade komercijalno. Dobivanje rezultata unutar 8 sati je teško dostupan standard i u puno opremljenijim zdravstvenim sistemima. Ono što je neophodno kada se radi o akutnim respiratornim virusima je reagovanje na rane simptome, izolovati pacijente na odgovarajući način i ući u proceduru koja je utemeljena unutar sistema zdravstvene zaštite Kantona Sarajevo.
2. Jasno definisati protokol postupaka od prvog javljanja pacijenta u Covid-ambulantu, koji podrazumijeva sve potrebne dijagnostičke postupke, odluku o daljem toku liječenja i reguliše izdavanje propisane terapije u Covid ambulantom ili eventualnom dostavom putem mobilnih timova, bez mogućnosti da oboljeli pacijenti lično odlaze u apoteke i sami idu na dalje preporučene preglede. Ustanoviti referalni put pacijenta ka višim nivoima zdravstvene zaštite.	
Relevantnost	U augustu 2020. godine pripremljen je ažuriran Plan pripravnosti koji je dostavljen zastupnicima Skupštine Kantona Sarajevo u materijalima. Unutar tog Plana Pripravnosti objašnjen je u proces rada i postupnici u zdravstvenim ustanovama u Kantonu Sarajevo u uslovima pandemije novim corona virusom. Ovo se bazira na kriznim planovima pripravnosti koje su zdravstvene ustanove bile dužne pripremiti i po njima postupati, što je , također, bio sastavni dio materijala koji je dostavljen zastupnicima Skupštine Kantona Sarajevo. (Opisano u Zaključku 1.) Obzirom na aktuelnu epidemiološku situaciju, stalnim promjenama u epidemiološkom statusu ažuriran je sistem upućivanja pacijenata, koji će omogućiti bolju povezanost između svih nivoa zdravstvene zaštite, a kako bi se postigla veća efektivnost i efikasnost u sistemu zdravstvene zaštite u Kantonu Sarajevo. Referalni put je jasan, od prvog poziva u DZ, preko COVID ambulanti do bolničkih kapaciteta. Dakle, trenutno je JU Dom zdravlja Kantona Sarajevo sa svojih 9 organizacionih jedinica u općinama angažovan u maksimalnom kapacitetu ljudskih resursa, vezano za zahtjev oko mobilnih timova. Dostava lijekova putem mobilnih timova nije prepoznat model u zemljama regiona unutar ove krize, barem ne kroz sistem zdravstvene zaštite. Ovo bi, eventualno, mogla biti aktivnost opštinskih timova civilne zaštite ili volontera Crvenoga križa/krsta.
Način implementacije	Sve pitano je sadržano u Kriznom planu pripravnosti koji je dostavljen Skupštini Kantona Sarajevo. Implementacija je shodno aktuelnim mogućnostima u sistemu zdravstvene zaštite.
Zadužena institucija	Ministarstvo zdravstva Kantona Sarajevo JU Dom zdravlja Kantona Sarajevo

Vremenski okvir	Septembar – Oktobar 2020. godine
Finansijski okvir	JU Dom zdravlja Kantona Sarajevo – iskazati potrebe za kadrom, opremom (lična zaštitna oprema), automobili;
Pretpostavke	Osiguravanje dostatnih finansijskih sredstava (kadar, oprema, automobili)
Rizici	Potrebno je dobro planiranje svega potrebnoga. Neki od iskazanih zahtjeva se ne baziraju na realnim potrebama, obzirom na već organizovan rad, aktivnost virusa, informisanost stanovništva, poduzetim dosadašnjim mjerama itd.
Komentari	Sve pitano je sadržano u Kriznom planu pripravnosti. Prema Zakonu, svaki naredni korak od prvog kontakta sa pacijentom, predstavlja zaštićeni odnos između ljekara i pacijenta u kojem doktor postupa po načelima profesionalne etike.
3. Jasno definisati protokol svih postupaka prilikom prijema klinički i laboratorijski pozitivnih pacijenata na opservaciju u zdravstvenu ustanovu (izolatorij), od prvog pregleda, dalje dijagnostike, terapijskih postupaka i definitivnog smještaja pacijenta uz definisano vrijeme svih postupaka i mjesta dijagnostike uz određivanje istih kao prioriteta, bez nepotrebnih zadržavanja pacijenata na ovom odjeljenju.	
Relevantnost	<p>U augustu 2020. godine pripremljen je ažuriran Plan pripravnosti koji je dostavljen zastupnicima Skupštine Kantona Sarajevo u materijalima. Unutar tog Plana pripravnosti objašnjen je u proces rada i postupnici u zdravstvenim ustanovama u Kantonu Sarajevo u uslovima pandemije novim corona virusom. Ovo se bazira na kriznim planovima pripravnosti koje su zdravstvene ustanove bile dužne pripremiti i po njima postupati, što je , također, bio sastavni dio materijala koji je dostavljen zastupnicima SKS.</p> <p>1.1. Ako sumnju postavlja doktor porodične medicine, bolesnika može voziti u bolnicu sanitetsko vozilo JU „Dom zdravlja“ KS ili HMP, a prema težini kliničke slike. Ne smije se radi vožnje bolesnika u bolnicu izložiti osobu koja nije ranije bila u kontaktu sa bolesnikom ili koja nema propisanu zaštitnu opremu.</p> <p>Ovisno o težini kliničke slike, transport se vrši prema hospitalnim kapacitetima. Ako je u pitanju teška klinička slika manifestovana otežanim disanjem, općom malaksalošću, saturaciji ispod 80 i manje, bolesnik se prevozi u KCUS – Klinika „Podhrastovi“.</p> <p>Bolesnika je prije upućivanja na pregled/premještaj potrebno najaviti telefonom na KCUS – Klinika „Podhrastovi“, zbog pripreme i zaštite medicinskoga osoblja.</p> <p>1.2. Ako sumnju na COVID-19 postavi doktor medicine – specijalista u bolnici u kojoj je bolesnik hospitaliziran ili gdje je dopremljen na hitni prijem, provodi se uzimanje uzoraka i dogovara se slanje uzoraka za laboratorijsku dijagnostiku, a sa bolesnikom se do dolaska rezultata postupa kao da je pozitivan na COVID-19 (izolacija i druge mjere za sprečavanje širenja infekcije).</p> <p>1.3. Ako sumnju na bolest postavlja doktor medicine hitne medicinske pomoći, u dogovoru sa dežurnim doktorom nadležne bolnice, vrši se transport pacijenta u bolnicu. Ako se radi o kazuistici koja se mora hitno zbrinjavati (vitalno ugroženi pacijenti - hirurški ili internistički slučajevi), bolesnika se prevozi do određene hospitalne ustanove, kojoj se nalaže neodgodiv odgovarajući tretman, ne čekajući rezultate testiranja na COVID-19.</p>

	<p style="text-align: center;">Postupak sa sumnjom ako težina kliničke slike ne zahtijeva hospitalizaciju</p> <p>Ako se sumnja postavi kod osobe dobrog opšteg stanja, dolazi u obzir:</p> <ol style="list-style-type: none"> 1. hospitalizacija do laboratorijskih nalaza u najbližoj bolnici uz dogovor i provjeru izolacijskih kapaciteta, ili 2. izolacija kod kuće do laboratorijskih nalaza, ako u domaćinstvu nema osoba starije životne dobi ili osoba sa hroničnim bolestima, uz uslov da su ispunjeni uslovi za liječenje kod kuće, ili 3. izolacija u organiziranoj jedinici – COVID ambulanti do rezultata laboratorijskih nalaza. <p>Obzirom na aktuelnu epidemiološku situaciju, stalnim promjenama u epidemiološkom statusu ažuriran je sistem upućivanja pacijenata, koji će omogućiti bolju povezanost između svih nivoa zdravstvene zaštite, a kako bi se postigla veća efektivnost i efikasnost u sistemu zdravstvene zaštite u Kantonu Sarajevo. Referalni put je jasan, od prvog poziva u JU Dom Zdravlja Kantona Sarajevo, preko COVID ambulanti do bolničkih kapaciteta.</p>
Način implementacije	Sve pitano je sadržano u Kriznom planu pripravnosti koji je dostavljen zastupnicima u materijalima za Skupštinu Kantona Sarajevo. Implementacija je shodno aktuelnom mogućnostima u sistemu zdravstvene zaštite.
Zadužena institucija	Sve javne zdravstvene ustanove u Kantonu Sarajevo
Vremenski okvir	Septembar 2020. godine
Finansijski okvir	N/a
Pretpostavke	N/a
Rizici	N/a
Komentari	<p>Sve pitano je sadržano u Kriznom planu pripravnosti koji je dostavljen zastupnicima u materijalima.</p> <p>Definisani protokoli su sastavni dio stručnog medicinskoga rada i zdravstvene ustanove rade shodno kriterijumima kvaliteta u zdravstveni ustanovama – razvijene procedure i protokoli unutar zdravstvenih ustanova i njihovih Odjela za kvalitet (JU Dom zdravlja Kantona Sarajevo, Opća bolnica „Prim dr Abdulah Nalkaš“, KCUS).</p>
	<p>4. Obavezuje se Vlada Kantona Sarajevo da hitno naloži svim zdravstvenim ustanovama otvaranje vrata za sve ostale pacijente, radi ostvarivanja prava na zdravstvenu uslugu i tretman koji im je neophodan u cilju liječenja postojećih i novoustanovljenih oboljenja, uz definisanje redosljeda prioriteta u liječenju, a shodno epidemiološkoj situaciji i raspoloživosti kadra i eventualno potrebnih hospitalnih smještajnih kapaciteta.</p>
Relevantnost	<p>Na redovan režim rada zdravstvene ustanove su se vratile proglašenjem <i>prestanka stanje prirodne i druge nesreće 31.05.2020. godine.</i></p> <p>Isto tako, Krizni stožer Federalnog ministarstva zdravstva, u cilju daljnijeg praćenja situacije i poduzimanja mjera radi sprječavanja i ranog otkrivanja slučaja bolesti izazvane novim koronavirusom (COVID -19), koja je Zaključkom Vlade Federacije BiH, V. broj 164/2020 od 31.01 .2020. godine proglašena zaraznom bolešću čije je sprječavanje i suzbijanje od interesa za Federaciju BiH, sukladno tački III. stavak (1) Odluke o proglašenju prestanka stanja nesrede uzrokovano pojavom koronavirusa (COVID-19) na području Federacije Bosne i Hercegovine („Službene novine Federacije BiH", broj 34/20), kao i odredbi članka 6. stavak (5) Pravilnika o ustrojstvu i</p>

	<p>načinu rada Kriznog stožera Federalnog ministarstva ("Službene novine Federacije BiH", broj 10/12), na 14. sjednici održanoj 20.08.2020. godine, donio je Naredbu, u kojoj se, između ostaloga, nalaže se katonalnim ministarstvima zdravstva <i>da u svim zdravstvenim ustanovama na području kantona, bez obzira na oblik vlasništva, kao i privatnim praksama, te u kliničkim centrima u Federaciji BiH, da sukladno kriznom planu pripravnosti odgovora na pojavu COVID-19, osiguraju kontinuiranu dostupnost zdravstvenih usluga stanovništvu, kako za hladne, tako iza hitne slučajeve.</i></p> <p>Naredba je stupila na snagu 22.08.2020. godine i obavezna je za primjenu.</p>
Način implementacije	Shodno Naredbi Kriznog štaba Ministarstva zdravstva Federacije BiH
Zadužena institucija	Sve zdravstvene ustanove u Kantonu Sarajevo
Vremenski okvir	Inicijalni dopis Ministarstva zdravstva Kantona Sarajevo upućen 04.09.2020. godine svim javnim zdravstvenim ustanovama u Kantonu Sarajevo kojim se zdravstvene ustanove obavještavaju da je potrebno da postupe po navedenom Zaključku Skupštine Kantona Sarajevo. Navedeno je da je obaveza zdravstvenih ustanova bila da krenu sa redovnim režimom rada proglašenjem prestanka stanja prirodne nesreće 31.05.2020. godine, te u skladu sa naredbom Kriznog stožera Federalnog ministarstva zdravstva Kantona Sarajevo od 22.08.2020. godine.
Finansijski okvir	N/a
Pretpostavke	N/a
Rizici	N/a
Komentari	Naredba Kriznog štaba Ministarstva zdravstva Federacije BiH odnosi se na sve javne i privatne zdravstvene ustanove u Federaciji BiH na primarnom, sekundarnom i tercijarnom nivou pružanja zdravstvene zaštite.
<p>5. Skupština Kantona Sarajevo zahtjeva od KCUS da, za potrebe Izolatorija, stavi na raspolaganje Infektivnu kliniku KCUS, te da se u iste svrhe angažuju i drugi raspoloživi i neiskorišteni bolnički kapaciteti u Kantonu Sarajevo, a koji raspolažu potrebnim i adekvatnim higijensko-epidemiološkim uvjetima.</p>	
Relevantnost	KCUS je federalna ustanova tercijarnoga nivoa, uključujući i kapacitete Klinike za Infektivne bolesti. Infektivna klinika KCUS-a tretira i druga infektivna oboljenja.
Način implementacije	<p>Ministarstvo zdravstva Kantona Sarajevo je zaprimilo akt Federalnog ministarstva zdravstva broj: 01-33-4495/20 od 07.08.2020. godine, kojim se traži da se pripreme i osiguraju za slučaj zbrinjavanja većeg broja oboljelih od COVID-19 u zdravstvenim ustanovama shodno Zakonu o zaštiti stanovništva od zaraznih bolesti ("Službene novine Federacije BiH", broj 29/05), kao i da se na području kantona na kojima je zabilježena sedmična incidenca oboljevanja od COVID-19 viša od 30 na 100.000 stanovnika, osiguraju dodatni prostori za izolaciju pacijenata, kao i hladne timove u primarnoj zdravstvenoj zaštiti, koji će na dnevnoj bazi pratiti zdravstveno stanje pacijenata, te poduzimati mjere, u saradnji sa nadležnim epidemiolozima i infektolozima.</p> <p>Shodno navedenom, Vladom Kantona Sarajevo u saradnji sa Ministarstvo zdravstva Kantona Sarajevo i Kriznim štabom Ministarstva zdravstva Kantona Sarajevo kontinuirano radi na osiguranju dodatnih prostora za potrebe privremenog izolatorija. U dodatnim izolacionim prostorima smještali bi se pacijenti sa sumnjom na infekciju, asimptomatski slučajevi ili slučajevi sa lakom kliničkom slikom, koji ne zahtijevaju bolničko liječenje, kao i osobe u tranzitu koje nemaju adekvatan prostor za izolaciju. Ovaj prostor privremeno bi riješio potrebu za eventualnim zbrinjavanjem naprijed navedenih slučajeva u Kantonu Sarajevo, za vrijeme do stavljanja u funkciju Izolatorija bivšeg Armijskog garnizonskog medicinskog centra u</p>

	<p>krugu JU „Opća bolnica Prim. dr. Abdulah Nakaš“, te bi na ovaj način bili zbrinuti svi asimptomatski ili lakši pacijenti koji ne mogu da se izoluju u kućnim uslovima i osobe u tranzitu.</p> <p>Privremeni Izolatorij će raspolagati sa ukupno 120 do 150 kreveta.</p> <p>Organizacionu nadležnost nad privremenim izolatorijem preuzima JU Dom zdravlja Kantona Sarajevo. Stručno-metodološki nadzor i konsultacije nad privremenim izolatorijem obavljat će Klinički centar Univerziteta u Sarajevo, u sklopu redovnih aktivnosti i saradnje sa JU Dom zdravlja Kantona Sarajevo.</p> <p>Svako postupanje, a u slučaju pogoršanja epidemiološke situacije, biće shodno zakonu za postupanje u takvim slučajevima, a o pitanju otvaranja drugih boničkih kapaciteta u Kantonu Sarajevo.</p>
Zadužena institucija	Sve javne zdravstvene ustanove u Kantonu Sarajevo
Vremenski okvir	U toku
Finansijski okvir	N/a
Pretpostavke	N/a
Rizici	N/a
Komentari	N/a
<p>6. Nalaže se Ministarstvu zdravstva Kantona Sarajevo i Kriznom štabu Ministarstva zdravstva Kantona Sarajevo da sačine stepenovani Krizni plan o postupanju u odnosu na moguću epidemiološku situaciju i broj oboljelih i o istom upoznaju sve relevantne subjekte.</p>	
Relevantnost	<p>Prema Planovima pripravnosti i kontrole pandemijske influence, a prema preporukama SZO, prepoznato je 6 faza pandemije, a shodno istom je Federacija BiH je u aktuelnoj pandemijskoj situaciji pripremala okvirne naredbe sa javnozdravstvenim i organizacionim mjerama u sistemu zdravstvene zaštite, po kojima je postupala u prethodnim mjesecima javnozdravstvene prijetnje i pandemije, od januara 2020. godine.</p> <p>Redovni rad Zavoda za javno zdravstvo Kantona Sarajevo je prikupljanje podataka, obrada, analiza i interpretacija. Zavod kontinuirano objavljuje analize sa prikazom trendova, izračunavanjem preporučenih incideneci i koeficijenata, prema kojima prati epidemiju.</p> <p>To je stručni metodološki specijalistički rad, koji je kontinuiran, a ne nužno aktivnost Ministarstvo zdravstva Kantona Sarajevo i Kriznog štaba Ministarstva zdravstva Kantona Sarajevo.</p> <p>Na osnovu podataka i analiza, kao i stručnih pravaca, Ministarstvo zdravstva Kantona i Sarajevo i Krizni štab Ministarstva zdravstva Kantona Sarajevo priprema postupanja, tačnije donesene su posebne naredbe o postupanju.</p> <p>To je aktivnost koja se nastavlja.</p>
Način implementacije	<p>Kontinuirano.</p> <p>U postojeći Krizni plan pripravnosti dodati aneks sa fazama epidemije i indikatorima za provođenje stepenovanih javno-zdravstvenih mjera u skladu sa trenutnom epidemiološkom situacijom.</p>
Zadužena institucija	<p>Ministarstvo zdravstva Kantona Sarajevo</p> <p>Krizni štab Ministarstva zdravstva Kantona Sarajevo</p> <p>Sve zdravstvene ustanove u Kantonu Sarajevo</p>
Vremenski okvir	U toku
Finansijski okvir	N/a
Pretpostavke	N/a
Rizici	N/a
Komentari	Kriznim planom pripravnosti u sistem javnog zdravstva mogu se uključiti/angažovati i privatne zdravstvene ustanove, prema iskazanoj

	potrebi i razvoju epidemiološke situacije.
7. Nalaže se Vladi Kantona Sarajevo i Ministarstvu zdravstva Kantona Sarajevo da analizira i angažuje po potrebi dodatne ljudske resurse u svim zdravstvenim ustanovama, za potrebe borbe protiv pandemije (medicinsko osoblje sa biroa, penzionisani doktori i medicinari).	
Relevantnost	<p>To su aktivnosti koje se poduzimane od marta 2020. godine, po pitanju angažovanja raspoloživog kadra sa biroa. Ovo se naročito odnosi na zdravstveni kadar SSS, jer bi mogao biti najdeficitarniji ako bi se povećavao broj novooboljelih, a posebno kod odluke o otvaranju izolatorija za blage slučajeve.</p> <p>Putem JU „Služba za zapošljavanje Kantona Sarajevo“ Sarajevo obezbijedena su finansijska sredstva za angažovanje dodatnog medicinskog kadra za na period do 6 mjeseci, a kroz Program aktivnih mjera politika zapošljavanja. Vlada Kantona Sarajevo je osigurala kroz Projekat angažovanje 102 zdravstvena radnika sa evidencije Službe za zapošljavanje Kantona Sarajevo.</p> <p>Penzionisani doktori medicine su pozivani kao konsultanti u prethodnom periodu i sa svim raspoloživim ljekarima je uspostavljen kontakt.</p> <p>Vlada Kantona Sarajevo je u periodu od marta do septembra dala saglasnost za prijem 188 zaposlenika u zdravstvenim ustanovama u Kantonu Sarajevo na neodređeno vrijeme, te 286 zaposlenika na određeno radno vrijeme, a sa ciljem nesmetanog odvijanja procesa rada u zdravstvenim ustanovama.</p>
Način implementacije	Shodno odlukama i iskazanim potrebama Vlade Kantona Sarajevo, Ministarstva zdravstva Kantona Sarajevo i javnih zdravstvenih ustanova u Kantonu Sarajevo
Zadužena institucija	Vlada Kantona Sarajevo Ministarstvo zdravstva Kantona Sarajevo Sve javne zdravstvene ustanove u Kantonu Sarajevo
Vremenski okvir	U toku
Finansijski okvir	N/a
Pretpostavke	Planovi za angažovanje kadra sa biroa
Rizici	N/a
Komentari	N/a
8. Nalaže se Ministarstvu zdravstva Kantona Sarajevo i Kriznom štabu Ministarstva zdravstva Kantona Sarajevo da dostavi podatke o broju i raspoloživosti preostalih PCR testova za Kanton Sarajevo, te u slučaju potrebe obezbijedi dovoljne količine za naredni period.	
Relevantnost	<p>Kanton Sarajevo koristi PCR testove iz kontigenta nabavljenog za Federaciju BiH, preko Federalne uprave civilnu zaštitu u aprilu 2020. godine, a testiranje se vrši putem verifikiranih i certificiranih laboratorija.</p> <p>Za naredni period iskazane su potrebe za nabavku 95.000 PCR testova (do kraja godine) samo za Kanton Sarajevo.</p>
Način implementacije	Shodno odlukama i dogovorima.
Zadužena institucija	Odgovorani Zavod zdravstvenoga osiguranja KS u saradnji sa UNDP
Vremenski okvir	U toku
Finansijski okvir	Odgovorani Zavod zdravstvenoga osiguranja KS u skladu sa finansijskim mogućnostima i raspoloživim sredstvima
Pretpostavke	N/a
Rizici	N/a
Komentari	N/a

9. Obavezuje se Vlada Kantona Sarajevo da hitno imenuje ministra zdravstva Kantona Sarajevo, koji

treba da koordinira svim navedenim aktivnostima.	
Relevantnost	Premijer Kantona Sarajevo je imenovao 26.08.2020. godine privremenog vršioca funkcije ministra zdravstva Kantona Sarajevo, shodno članu 9. Zakona o Vladi Kantona Sarajevo, a za stalno imenovanje nadležna je Skupština Kantona Sarajevo.
Način implementacije	Shodno dogovorima i relevantnim propisima
Zadužena institucija	Ured premijera Skupština Kantona Sarajevo
Vremenski okvir	Odmah je realizirano privremeno imenovanje, a u skupštinskoj proceduri je imenovanje ministra/ica zdravstva
Finansijski okvir	N/a
Pretpostavke	Propisi
Rizici	N/a
Komentari	N/a
10. Obavezuje se Vlada Kantona Sarajevo da će intenzivno raditi na rješavanju pitanja blagovremenih rezervacija i nabavki vakcina za COVID, kao i dodatnih količina vakcina protiv sezonske gripe, koje odmah po pojavi na tržištu moraju biti na raspolaganju zdravstvenim ustanovama, uz definisanje prioriteta.	
Relevantnost	<p>Kanton Sarajevo ni u kojem slučaju ne može samostalno rezervirati, niti nabavljati vakcinu protiv COVID-a, tim prije što se radi o novoj vakcini, te takve vrste nabavke vrše države, a nikako kantoni.</p> <p>Prema zakonskim propisima i procedurama u Bosni i Hercegovini, Vijeće ministara BiH je zadužilo Ministarstvo civilnih poslova BiH da osigura nabavku vakcina za cijelu Bosnu i Hercegovinu, pa tako i za Federaciju BiH. 28.08.2020. godine Vlada FBiH je usvojila informacija o predbilješki za nabavku vakcina protiv Covid-19 za FBiH. Usvojila je informaciju sa zaključcima, gdje je na osnovu odluke od 17. jula, tačnije, stupanja na snagu Odluke o proglašenju epidemije u FBiH.</p> <p>U skladu tim potrebno je osigurati i vakcine za COVID-19, na osnovu procjene broja stanovnika, odlučila se na 800.000 vakcina, odnosno da se 40 posto stanovništva da se cijepi. I otprilike iznos po vakcini je 10 do 11 dolara, a što je ukupno 13 miliona i 200 hiljada KM.</p> <p>Za sezonsku gripu, nabavku vrši Zavod zdravstvenog osiguranja Kantona Sarajevo i procjene su da će se nabaviti cca 8.000 vakcina za 2020. godinu, a shodno raspoloživ finansijskim sredstvima. Prema procjenama Zavoda za javno zdravstvo Kantona Sarajevo neophodno je povećati obuhvat vakcinacijom protiv sezonske gripe, obzirom da planirana nabavka u Zavodu zdravstvenog osiguranja KS neće pokriti za stanovništvo koje spada u rizične skupine.</p>
Način implementacije	Shodno odlukama.
Zadužena institucija	Odgovoran Zavod zdravstvenoga osiguranja Kantona Sarajevo
Vremenski okvir	U toku
Finansijski okvir	Odgovoran Zavod zdravstvenoga osiguranja Kantona Sarajevo Potreba osigurati dodatna finansijska sredstva
Pretpostavke	N/a
Rizici	N/a
Komentari	N/a
Zaključci	N/a
11. Obavezuje se Ministarstvo zdravstva Kantona Sarajevo da urgentno hardverski, softverski i kadrovski optimizira funkcioniranje „MediT“ softvera i obezbijedi njegovo nesmetano korištenje od strane	

uposlenika 24 sata dnevno, te na taj način spriječi probleme s kojima se susreću zdravstveni radnici prilikom korištenja istog.	
Relevantnost	Kontinuirane aktivnosti i podrška je u toku.
Način implementacije	Kontinuirane aktivnosti i podrška je u toku.
Zadužena institucija	Odgovoran Zavod zdravstvenoga osiguranja Kantona Sarajevo
Vremenski okvir	U toku
Finansijski okvir	Odgovoran Zavod zdravstvenoga osiguranja Kantona Sarajevo
Pretpostavke	Postojanje zadovoljavajućih infrastrukturnih uslova i postojanje ugovornog odnosa kojima se regulišu usluge održavanje i razvoja informacionog sistema
Rizici	N/a
Komentari	Zavodu zdravstvenog osiguranja KS je naloženo da u okvirima svoje nadležnosti poduzme sve aktivnosti kako bi se se optimizirao nesmetan rad „MediT“ softvera i na tim se aktivnostima u kontinuitetu radi. Redovna kontrola putem ugovornog odnosa i redovno izvještavanje Vlade Kantona Sarajevo i Ministarstva zdravstva Kantona Sarajevo.
12. Obavezuje se Vlada Kantona Sarajevo da napravi jasan i jednostavan sistem pooštavanja i ublažavanja obaveznih mjera ponašanja građana u skladu sa trenutnom epidemiološkom situacijom u Kantonu Sarajevo.	
Relevantnost	Krizni štab Ministarstva zdravstva Kantona Sarajevo donosi naredbe, preporuke i mjere shodno praćenju i razvoju epidemiološke situacije u Kantonu Sarajevo, kao i provođenje naredni i preporuke Kriznog štaba Ministarstva zdravstva FBiH.
Način implementacije	Kontinuirano na osnovu dnevnih, sedmičnih i mjesečnih analiza epidemiološke situacije u Kantonu Sarajevo.
Zadužena institucija	Krizni štab Ministarstva zdravstva Kantona Sarajevo Kantonalna uprava za inspeksijske poslove Ministarstvo unutrašnjih poslova Kantona Sarajevo
Vremenski okvir	U toku
Finansijski okvir	Vlada Kantona Sarajevo
Pretpostavke	N/a
Rizici	N/a
Komentari	N/a
13. Obavezuje se Vlada Kantona Sarajevo da napravi i primjeni jasan, intenzivan i vidljiv model informiranja i edukacije građana Kantona Sarajevo o svim aspektima borbe protiv COVID-19, sa posebnim osvrtom na populaciju učenika i studenata.	
Relevantnost	Zavod za javno zdravstvo Kantona Sarajevo u saradnji sa Zavodom za javno zdravstvo FBiH, te međunarodnim institucijama – SZO, UNICEF, UNFPA, USAID je pripremalo i priprema prevode, informativne materijale, video klipove, letke, plakate, brošure, infografike koje su obavljivane na web stranicama, portalima, TV stanicama itd. Sve pripremljene informacije su distribuirane. Zasebne medijske kampanje nije bilo, prvenstveno zbog nedostatka vremena, kao i raspoloživog kadra, jer su svi bili maksimalno angažovani u prethodnih 8 mjeseci. Pripremani su okviri i prijedlozi za kampanju i pokušava se naći donator za ove aktivnosti. Omladina i djeca su primali dostatne informacije preko svojih nastavnika i profesora kao i njegovatelja. Metod IEK (informacija, edukacija, komunikacija) je kontinuirani metod koji se primjenjuje.

	Planirane tematske emisije na javnim medijima (TVSA) edukativnog sadržaja na kojima će se stručnjaci iz različitih oblasti obratiti građanima sa edukativnim i informativnim sadržajima u cilju pravovremene i svrsishodne borbe protiv korona virusa.
Način implementacije	Kontinuirana aktivnost U pripremi promotivna kampanja sa medijima u Kantonu Sarajevo Svi relevantni dokumenti se objavljuju na mrežnim stranicama Vlade Kantona Sarajevo i Ministarstva zdravstva Kantona Sarajevo
Zadužena institucija	Ministarstvo obrazovanja, nauke i mladih Kantona Sarajevo Ministarstvo zdravstva Kantona Sarajevo Kao i druga ministarstva i tijela Kantona Sarajevo i Vlade Federacije BiH putem Služba za protokol i press Vlade Kantona
Vremenski okvir	U toku
Finansijski okvir	Vlada Kantona Sarajevo
Pretpostavke	Kadrovska i materijalno-tehnička osposobljenost
Rizici	N/a
Komentari	N/a
14. Obavezuje se Ministarstvo zdravstva Kantona Sarajevo da sazove hitni sastanak predstavnika ministarstva i Naučnoga tijela za praćenje i analizu situacije izazvane koronavirusom u toku pandemije u cilju razmatranja i hitne primjene mjera iz ranije dostavljenih dokumenata ovoga tijela.	
Relevantnost	Naučno tijelo kao stručno, savjetodavno tijelo uključeno je u rad Kriznog štaba Ministarstva zdravstva Kantona Sarajevo i zaduženi su da se aktivno i kontinuirano uključe u rad Kriznog štaba Ministarstva zdravstva Kantona Sarajevo, te imaju obavezu i odgovornost da predlože rješenja koja su utemeljena na nauci i proizvod su naučno verifikiranih metodologija i spoznaja.
Način implementacije	Održan radni sastanak Naučnog tijela 04.09.2020. godine sa privremenim vršiocem funkcije ministra zdravstva Kantona Sarajevo.
Zadužena institucija	Ministarstva zdravstva Kantona Sarajevo
Vremenski okvir	Realizirano/Kontinuirano
Finansijski okvir	N/a
Pretpostavke	N/a
Rizici	N/a
Komentari	N/a
15. Obavezuju se Vlada Kantona Sarajevo i Ministarstvo zdravstva Kantona Sarajevo da izvrše rekonstrukciju trenutnog saziva Kriznog štaba Ministarstva zdravstva KS, kao i kadrovske kapacitira saziv Kriznoga štaba Vlade Kantona Sarajevo, kada i ako isti bude formiran, te da u ta tijela imenuje eminentne stručnjake iz svih odgovarajućih oblasti, neophodne za brze i pravovremene aktivnosti shodno epidemiološkoj situaciji u Kantonu Sarajevo.	
Relevantnost	Dopunjeno rješenje o imenovanju Kriznog štaba Ministarstva zdravstva Kantona Sarajevo sa dva nova člana, predstavnicima Kantonalne uprave civilne zaštite i Uprave policije Ministarstva unutrašnjih poslova Kantona Sarajevo. Nakon imenovanja novog ministra/ice izvršiti eventualnu rekonstrukciju Kriznog štaba u skladu sa potrebama i procjenama novoimenovanog ministra/ice.
Način implementacije	Izmjena Rješenje o imenovanju Kriznog štaba
Zadužena institucija	Ministarstva zdravstva Kantona Sarajevo
Vremenski okvir	Odmah
Finansijski okvir	N/a
Pretpostavke	Pravilnik o ustrojstvu i načinu rada Kriznog stožera Federalnog ministarstva ("Službene novine Federacije BiH", broj 10/12) je zakonski

	osnov, sa mogućnošću da se uključe i drugi stručnjaci.
Rizici	N/a
Komentari	Predlaže se formiranje Kriznog štab Vlade Kantona Sarajevo, zakonska legislativa ne poznaje takvo tijelo i isto nije definisano pozitivnim zakonskim propisima. U slučaju proglašenja stanja nesreće ili elementarne nepogodne aktivira se štab Civilne zaštite Kantona Sarajevo.
16. Obavezuje se Vlada Kantona Sarajevo i Ministarstvo zdravstva Kantona Sarajevo da formiraju koordinaciono tijelo sastavljeno od stručnjaka iz oblasti mentalnog zdravlja koje bi ponudilo preporuke i neophodne mjere u očuvanju mentalnog zdravlja za Kanton Sarajevo.	
Relevantnost	Ciljevi rada koordinacionog tijela su rano otkrivanje poremećaja povezanih sa ovom epidemijom, a posebnu pažnju obratiti osobama koje već imaju određene mentalne probleme i koji su, kao vulnerabilna skupina, posebno osjetljivi na ovu pojavu.
Način implementacije	Ministarstvo zdravstva Kantona Sarajevo je pokrenulo ODMAH aktivnosti na formiranju koordinacionog tijela koje će donijeti mjere i preporuke neophodne za zaštitu mentalnog zdravlja stanovništva Kantona Sarajevo, na svim nivoima zdravstvene zaštite. Primarni cilj je prevenirati štete, odnosno mentalne poremećaje nastale pojavom epidemije korona virusa.
Zadužena institucija	Ministarstvo zdravstva Kantona Sarajevo Javne zdravstvene ustanove u Kantonu Sarajevo
Vremenski okvir	Odmah; Kontinuirano; U toku implementacija;
Finansijski okvir	N/a
Pretpostavke	U radu koordinacionog tijela učestvovati će stručnjaci svih nivoa zdravstvene zaštite sa multidisciplinarnim pristupom.
Rizici	N/a
Komentari	N/a